

〔漢〕劉熙撰

釋名

附
筆畫 音序
索引

中華書局

〔漢〕劉熙撰

釋名

附

筆畫 音序

索引

中華書局

圖書在版編目(CIP)數據

釋名:附音序、筆畫索引/(漢)劉熙撰. —北京:中華書局,2016.4

ISBN 978-7-101-11636-6

I. 釋… II. 劉… III. 漢語-訓詁-古代 IV. H131.3

中國版本圖書館 CIP 數據核字(2016)第 054328 號

責任編輯:秦淑華

釋 名 附音序、筆畫索引

[漢]劉 熙 撰

*

中華書局出版發行

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

北京瑞古冠中印刷廠印刷

*

880×1230 毫米 1/32 · 5¼印張 · 2 插頁

2016 年 4 月北京第 1 版 2016 年 4 月北京第 1 次印刷

印數:1-3000 冊 定價:18.00 元

ISBN 978-7-101-11636-6

釋名序

劉熙字成國撰

熙以爲自古造化制器立象有物以來迄于近代或
典禮所制或出自民庶名號雅俗各方名殊聖人於
時就而弗改以成其器著於旣往哲夫巧士以爲之
名故興於其用而不易其舊所以崇易簡省事功也
夫名之於實各有義類百姓日稱而不知其所以之
意故撰天地陰陽四時邦國都鄙車服喪紀下及民
庶應用之器論叙指歸謂之釋名凡二十七篇至於
事類未能究備凡所不載亦欲智者以類求之博物

君子其於答難解惑王父幼孫朝夕侍問以塞可謂之士聊可省諸

右釋名八卷館閣書目云漢徵士北海劉熙字成國撰推揆事源釋名號致意精微崇文總目云熙卽物名以釋義凡二十七目臨安府陳道人書籍鋪刊行

刻釋名序

釋名者小學文字之書也古者文字之書有三焉一體制謂點畫有縱橫曲直之殊若說文字原之類是也二訓詁謂稱謂有古今雜俗之異若爾雅釋名之類是也三音韻謂呼吸有清濁高下之不同若沈約四聲譜及西域反切之文是也三者雖各自名家要之皆小學之書也夫自六經出而爾雅作爾雅作而釋名著是故漢藝文志以爾雅附孝經而經籍志以附論語蓋崇之也漢劉熙所著釋名翼雅者也宜與雅並傳爾雅故有鑄本而釋名以無傳者余按全

晉偶得是書於李僉憲川甫川甫得諸蔡中丞石岡
石岡得諸濟南周君秀因託呂太史仲木校正付太
原黃守刊布焉然則翼雅之書詎止於是乎郭璞有
圖沈璇有注孫炎有音江瓘有贊邢昺有正義張揖
有廣雅曹憲有博雅孔鮒有小爾雅劉伯莊有續爾
雅楊惟方有方言劉霽有釋俗語盧辨有稱謂沈約有
俗說張顯有古今訓韋昭有辨釋名凡讀爾雅者皆
當參覽其可以小學之書而忽之哉

嘉靖甲申冬十二月旣望谷泉諸良材邦掄父撰

重刊釋名後序

漢徵士北海劉熙著釋名二十七篇蓋爾雅之緒也
昔者周公申彛倫之道乃制作儀周二禮雅南函頌
四時皆發揮於陰陽象器山河草木以及蟲魚鳥獸
之物義雖裁諸已文多博諸古恐來世之不鮮也其
徒作爾雅以訓焉魯哀公欲學小辯以觀政孔子曰
觀爾雅以辯言釋名者亦辯言之意乎今夫學者將
以爲道也欲爲道而不知義則於道不樂進欲知義
而不辯言則於義不可精欲辯言而不正名則於言
不能審是故洒掃應對道德性命其致一也夫音以

九土而異聲以十世而殊山人以爲勤藺藿茗者國
人以爲饌蒜韭蔥者也古人以爲基丞介弔者今人
以爲始君大至者也故名猶明也釋猶譯也鮮也譯
而明之以從義而入道也是書南宋時刻於臨安尋
燬不傳今侍御谷泉儲公邦掄得之於嵩山僉憲李
公李公得之於中丞石岡蔡公乃命柟校正付絳州
守程君鴻刊布焉其意遐乎但爾雅先詁言訓親而
後動植近取諸身斯遠取諸物也釋名以天地山水
爲先則頻乎玩物矣故魏張揖采蒼雅作廣雅辭類
雖衍猶爲存爾雅之舊乎

嘉靖三年冬十月乙卯高陵呂柟序

釋名今無刊本茲所校者又專本無副
正過亦八十餘字皆以意揆諸義者故
義若可告即爲定改求而不得仍存其
舊序中可謂二字釋國篇譚首之譚一
字釋姿容篇邊自二字釋言篇說日二
字操功之功一字曾疑爲切字曜畵之
曜一字釋疾篇丘一二字凡十一字皆
闕未改俟有他本及知釋名者柟又識

釋名目錄

卷第一

釋天

釋地

釋山

釋水

釋丘

釋道

卷第二

釋州國

釋形體

卷第三

釋姿容

釋長幼

釋親屬

卷第四

釋言語

釋飲食

釋絲帛

釋首飾

卷第五

釋衣服

釋宮室

卷第六

釋牀帳

釋書契

釋典藝

卷第七

釋用器

釋樂器

釋兵

釋車

釋船

卷第八

釋疾病

釋喪制

目錄

釋名序·····	一	釋道·····	一七
刻釋名序·····	三	卷第二·····	一九
重刊釋名後序·····	五	釋州國·····	一九
呂枏序·····	七	釋形體·····	二四
釋名目錄·····	九	卷第三·····	三三
卷第一·····	一	釋姿容·····	三三
釋天·····	一	釋長幼·····	三七
釋地·····	九	釋親屬·····	四〇
釋山·····	一〇	卷第四·····	四七
釋水·····	一二	釋言語·····	四七
釋丘·····	一五	釋飲食·····	五六
		釋綵帛·····	六二

釋首飾·····	六五	釋兵·····	九九
卷第五·····	七一	釋車·····	一〇五
釋衣服·····	七一	釋船·····	一一一
釋宮室·····	七七	卷第八·····	一二四
卷第六·····	八五	釋疾病·····	一二四
釋牀帳·····	八五	釋喪制·····	一二八
釋書契·····	八七	編者注·····	一二五
釋典藝·····	九〇		
卷第七·····	九四	音序索引·····	1
釋用器·····	九四	筆畫索引·····	20
釋樂器·····	九六		

釋名卷第一

劉熙字成國撰

釋天第一

釋地第二

釋山第三

釋水第四

釋丘第五

釋道第六

釋天第一

天

蒼天

昊天
旻天

上天

天。豫司。究。冀以舌腹言之。天顯也。在上高顯也。青。徐以舌頭言之。天垣也。垣然高而遠也。春曰蒼天。陽氣始發。色蒼蒼也。夏曰昊天。其氣布散皓皓也。秋曰旻天。旻閔也。物就枯落可閔傷也。冬曰上天。其氣上騰。

乾

玄

日光

景

晷曜

星宿

氣風

陰

陽寒

與地絕也。故月令曰：天氣上騰，地氣下降。易謂之乾。乾，健也。健，行不息也。又謂之玄。玄，懸也。如懸物在上也。日，實也。光明盛實也。月，缺也。滿則缺也。光是也。晃晃然也。亦言廣也。所照廣遠也。景，境也。明所照處有境限也。晷，規也。如規畫也。曜，耀也。光明照耀也。星，散也。列位布散也。宿，宿也。星各止宿其處也。氣，籥也。籥，然有聲而無形也。風，充豫司。冀，橫口合脣言之風。汜也。其氣博汜而動物也。青徐言風。趺口開脣推氣言之風。放也。氣放散也。陰，陰也。氣在內奧陰也。陽，陽也。氣在外發揚也。寒，寒

暑熱

雨春

夏秋

冬四時

年

歲載

祀五行

金

木水火

土

捍也。捍格也。暑，煮也。熱如煮物也。熱，熨也。如火
 所燒熨也。雨，羽也。如鳥羽動則散也。春，蠢也。動
 而生也。夏，假也。寬假萬物使生長也。秋，緇也。緇
 迫品物使時成也。冬，終也。物終成也。四時四方
 各一時。時期也。物之生死各應節期而止也。年，進
 也。進而前也。歲，越也。越故限也。唐虞曰載。載，生物
 也。殷曰祀。祀，已也。新氣升故氣已也。五行者，五氣
 也。於其方各施行也。金，禁也。其氣剛嚴能禁制也。
 木，冒也。華葉自覆冒也。水，準也。準平物也。火，
 化也。消化物也。亦言毀也。物入中皆毀壞也。土，吐